

Cumün da Val Müstair



Il parc da natüra Biosfera Val Müstair es ün parc da natüra regiunal d'importanza naziunala. El as distingua cun grondas valurs da la natüra e da la cuntrada sco eir cun sia cultura chi'd es caracterisada da la lingua rumantscha. Insembel cul Parc Naziunal Svizzer e'l cumün da Scuol fuormain nus il reservat otalpin da la Biosfera, l'UNESCO Biosfera Engiadina Val Müstair. Il parc da natüra s'ingascha pel mantegniment persistent da la natüra e la cuntrada, las valurs culturalas da la Val Müstair e per ün'economia regiunala persistente.

Per la guida da nos parc da natüra tscherchain nus süls 1. gün 2018 obain seguond cunvegna ün / üna:

Manader / manadra da gestiun (100%)

Lezchas:

- Guida da l'administraziun dal parc da natüra Biosfera Val Müstair;
- Collavuraziun cul Parc Naziunal Svizzer e cun l'UNESCO - Biosfera Engiadina Val Müstair;
- Collavuraziun cun la destinaziun dal turissem TESSVM pro la comercialisaziun dals prodots dal parc da natüra regiunal;
- Elavurar ed executar la „Charta 2021 – 2030“;
- Elavurar ed executar las planisaziuns da quatter ons, sviluppar ed accompagnar il svilup dal parc da natüra regiunal;
- Svilup d'ün program d'on pel parc da natüra regiunal, coordinaziun e controlla dals progets parzials, sgürar la finanziaziun, respunsabilità dal preventiv i'l rom dals mezs disponibels;
- Guida dals progets parzials;
- Collavuraziun pro progets cumünai dals parcs dal Chantun Grischun;
- Cussagliaziun sco eir collavuraziun cun tuot quels chi han da collavurar cul parc;
- Coordinaziun e sustegn dals divers gremis;
- Acquisiziun da novs partenaris e mezs finanziais;
- Collavuraziun i'ls gremis dal svilup regiunal.

Profil:

- Diplom da scoul'ota in economia obain in direcziun scienza da natüra ed ambiant obain scolaziun equivalenta;
- Esperienza da plüs ons dal manster;
- Cumpetenzza da guida, coordinaziun- sco eir cugnuschentscha da manar progets;
- Interess per las relaziuns da l'economia regiunala;
- Deport sgür, bun möd da comunicaziun, abiltà da's far prevalair, dun d'organisaziun e da manar trattativas, iniziativa ed innovatività;
- Cugnuschentschas da la lingua, tudais-ch (in pled e scrittüra), talian, inglais sco eir la voluntà d'imprender la lingua rumantscha;
- Bunas cugnuschentschas da l'informatica;
- Prontezza da lavurar tanteraint eir dadour il temp da lavur ordinari (sezzüdas da la saira, ingaschamaints d'ürant la fin d'eivna, absenzas sur plüs dis, voluntà da tour domicil i'l cumün da Val Müstair, permis da guida pel auto.

Nus spordschain:

- Lavur cun responsabilità, variada ed independenta, in ün pitschen team;
- Pussibilitats variadas dal contact cun la populaziun, rapreschantants da l'economia, portaders d'uffizis politics, instanzas dal Chantun e da la Confederaziun ed oters parcs i'l Chantun e la Svizra;
- Cuntschaint parc da natüra in ün bel ambiaint da cultura e cuntrada;
- Cundiziuns d'ingaschamaint, confuorm a las pretaisas dal di d'hoz.

Ha quist inserat svaglià Lur interess o han Els / Ellas dumondas? Gugent sta il president da la cumischiun strategica da la Biosfera, sar Livio Conrad, nr. da tel. 081 858 55 27, a disposiziun per eventualas dumondas. Infuormaziuns sur dal cumün sco eir sur da la Biosfera daja suot www.cdvm.ch obain www.biosfera.ch.

Candidaturas pon gnir inoltradas fin als **21.01.2018** al cumün da Val Müstair, a man da sar Livio Conrad, president da la cumischiun da la Biosfera, Forum, 7537 Müstair obain per E-Mail a livio.conrad@cdvm.ch.

Ils discuors per as preschantar sun francats süls **06.02. e'ls 07.02.2018**.